



# Халқ сўзи

Ўзбекистон – келажаги буюк давлат

2024 йил – Ёшлар ва бизнесни қўллаб-қувватлаш йили


1991 йил 1 январдан чиқа бошлаган • WWW.XS.UZ • E-mail: Info@xs.uz • 2024 йил 1 август, № 154 (8777)

Пайшанба

Сайтмига ўтиш учун QR-кодини телефонингиз орқали сканер қилинг.



## БИР БЎЛСАК – ЯГОНА ХАЛҚМИЗ, БИРЛАШСАК – ВАТАНМИЗ!



### ТАДБИРКОРЛАРГА ЯРАТИЛГАН ИМКОНИЯТ

ЯШИРИН ИҚТИСОДИЁТ, БЮРОКРАТИК ТЎСИҚ ВА САНСАЛОРЛИК КАБИ ИЛЛАТЛАРГА БАРҲАМ БЕРИБ, ЮТУҚ ВА МУВАФФАҚИЯТЛАРГА ҚАНОТ БЎЛЯПТИ



Хосен ПАЙДОЕВ олган суратлар.

#### Мулоқотдан мулоқотгача

Президентимизнинг 2021 йилда бошланган тадбиркорлар билан янгича форматдаги очиқ мулоқотлари ишбилармонлар кўтариб чиққан қўллаб-қувватлаш ечимини топишда, уларнинг фаолиятига бевосита боғлиқ бўлган банк, божхона, солиқ соҳаларидаги жараёнларнинг янада такомиллашувида муҳим омил бўлиб келмоқда. Давлат раҳбарининг алоҳида эътибори ва бизнес вакилларининг илгари сурган ташаббуслари, билдирган таклиф-мулоҳазалари тўғрисида тадбиркорлик ривожини унун муҳим бўлган қадамлар ташланаётгани аниқ ҳақиқат.

Анъанага аллақачон айланиб улгурган бундай очиқ мулоқотлар эндиликда пойтахтдан ҳудудларга кўчмоқда. Давлатимиз раҳбарининг 2024 йил 30 майда имзоланган “Ўзбекистон Республикаси Президентининг тадбиркорлар билан очиқ мулоқотини ташкил қилиш чора-тадбирлари тўғрисида”ги қарори асосида жорий йилдаги тадбир Қорақалпоғистон Республикасида ўтказилди. Бу учрашувда ҳам ишбилармонларимизни уйлантираётган муаммолар очиқ-ойдин муҳокама қилиниши, улар учун манфаатли бўлган қарорлар қабул қилиниши кутуляпти. Бизнес соҳаси вакилларининг фикрича, ўтган йилги мулоқотдан кейинги ижобий ўзгаришлар бунга тўла асос бўла олади.

4-саҳифага қаранг.

#### Учрашув

### ЁШЛАР ПАРЛАМЕНТИ ФАОЛИЯТИНИ КУЧАЙТИРИШ ЮЗАСИДАН ТАКЛИФЛАР ИЛГАРИ СУРИЛДИ

Олий Мажлис Сенати Раиси Т. Норбоева юқори палата ҳузурдаги Ёшлар парламенти раиси Б. Тўхтамуродов билан учрашув ўтказди.

Учрашувда Ёшлар парламенти томонидан жорий йил биринчи ярмида амалга оширилган ишлар, ёш авлод манфаатларига хизмат қиладиган мақсадли лойиҳалар ва уларнинг самарадорлиги муҳокама қилинди.

Ёшлар парламенти аъзоларининг кунун ижодкорлиги жараёнларидаги фаолиги ҳамда ҳудудлардаги назорат-таҳлил фаолиятида мунтазам иштирок этиши ва халқаро ҳамкорлик алоқаларининг натижалари кўриб чиқилди. Айни чоғда эришилган ютуқлар баробарида муаммолар ечими бўйича вазифалар белгиланди. Сенат Раиси томони-

дан Ёшлар парламенти фаолияти самарадорлигини янада ошириш юзасидан бир қатор муҳим таклиф ва ташаббуслар илгари сурилди. Сўхбат чоғида ёшларга оид қонунлар ижроси устидан жамоатчилик назоратини янада кучайтириш, йигит-қизларнинг таклиф ва ташаббусларини юқори палата минбарига олиб чиқиш, ҳудудларда ёшлар муаммоларини аниқлаш ва ҳал этиш бўйича зарур чораларни кўриш, медиамаконда навқирон авлод учун фойдали миллий контентлар яратишга алоҳида эътибор қаратилди.

«Халқ сўзи».

#### Ишчи гуруҳ йиғилиши

### МАҲАЛЛИЙ КЕНГАШЛАР ХАЛҚ ҲОКИМИЯТЧИЛИГИ ИНСТИТУТИГА АЙЛАНТИРИЛАДИ

Маълумки, юртимизда маҳаллий давлат ҳокимияти вакиллик органлари фаолиятини такомиллаштириш, маҳаллий ижроия ҳокимияти органлари фаолиятини трансформациялаш, барча ишларни “аҳоли манфаатларига хизмат қилиш” тамойили асосида йўлга қўйиш, “Кучли Кенгаш, ҳисобдор ва ташаббускор ҳоким” ғоясини ҳаётга изчил татбиқ этишга алоҳида эътибор қаратиб келинмоқда.

Хусусан, Ўзбекистонда маҳаллий давлат ҳокимияти вакиллик органлари фаолиятини 2030 йилга қадар ривожлантириш концепциясини ишлаб чиқиш режалаштирилган бўлиб, бу борада Сенат раислигида комиссия ва ҳар бир йўналиш бўйича ишчи гуруҳлар ташкил этилди.



### ИСТИҚЛОЛ КУРАШЧИЛАРИ ХОТИРАСИ МАНГУ БАРҲАЁТ

Президентимиз Шавкат Мирзиёев 2023 йилнинг 31 августида Шаҳидлар хотираси хиёбонига ташрифи чоғида “Хар сафар бу ерга келиб, халқимиз озодлиги йўлида қурбон бўлган жасур боболаримизни эслаб, кўнглимиз таскин топади. Уларни хотирлаш, эзгу ишларини давом эттириш биз учун ҳам қарз, ҳам фарз. Қатагон қилинган етакчиларимизнинг тақдири барчамизни мустақиллигимизни қадрлашга, уни асраб-авайлашга ундайди”, деб таъкидлаганди.

#### Муносабат

Дарҳақиқат, мамлакатимизда истиқлол йилларида амалга оширилган энг хайрли ва савобли ишлардан бири 1937 — 1953 йилларда мустабид тузум томонидан “халқ душмани”, “аксиланкилобчи”, “миллатчи”, “қулук” сифатида қораланиб қатагон этилган ватандошларимизнинг пок номи оқланиши бўлди. Жумладан, 2021 — 2024 йиллар давомида Ўзбекистон Республикаси Олий суди томонидан 1 200 дан зиёд сиёсий қатагон

қурбонларининг номи оқланди. Кейинги йилларда тарихий ҳақиқат ва адолатни тиклаш, ҳуррият йўлида жон фидо этган ватандошларимиз хотирасини абадийлаштиришга қаратилган ишлар янги сифат босқичига кўтарилди. Хусусан, Қатагон қурбонлари хотираси давлат музейи Ўзбекистон Республикаси Вазирлар Маҳкамаси тасарруфига ўтказилиб, фаолияти янада кенгайтирилди ва такомиллаштирилди. Қорақалпоғистон Республикаси ва вилоятлардаги 13 та олий таълим муассасаси тўғрисида Қатагон қурбонлари хотираси музейлари ташкил этилди.

Президентимизнинг 2020 йил 8 октябрда “Қатагон қурбонларининг меросини янада чуқур ўрганиш ва улар хотирасини абадийлаштиришга доир қўшимча чора-тадбирлар тўғрисида”ги фармойиши қабул қилиниши эса кўп миллатли халқимизнинг фидойи фарзандлари, маърифатпарвар аждодларимиз ҳаёти ва фаолияти билан боғлиқ ҳақиқатни тўла юзага чиқариш, уларга нисбатан тарихий адолатни тиклаш борасидаги ишларнинг кўлами ва самарасини оширишга хизмат қилди. Фармойиш асосида Қатагон қурбонларининг меросини янада чуқур ўрганиш, улар хотирасини абадийлаштириш ишларини ташкил этиш ва мувофиқлаштириш бўйича республика ишчи гуруҳи тўзилди. Қорақалпоғистон Республикаси, вилоятлар ва Тошкент шаҳри кесимида 14 та “Қатагон қурбонлари” китоблари тайёрланди. Уларга қатагон қурбон бўлган 40 мингга яқин ватандошларимизга оид маълумотлар киритилди.



### ЎЗБЕКИСТОНДА АХБОРОТ ВА АЛОҚА СОҲАСИДА ҚАНЧА КОРХОНА ФАОЛИЯТ ОЛИБ БОРМОҚДА?

Ўзбекистонда 2024 йилнинг 1 июль ҳолатига ахборот ва алоқа соҳасида 9 999 та корхона фаолият кўрсатмоқда.

Уларнинг ҳудудлар кесимидаги сони қуйидагича:



Манба: Ўзбекистон Республикаси Президентини Матбуот хизмати.

«Халқ сўзи».





